



Schweizerische Berufsbildungsämter-Konferenz
Conférence suisse des offices de la formation professionnelle
Conferenza svizzera degli uffici della formazione professionale
Eine Fachkonferenz der EDK | Une conférence spécialisée de la CDIP |
Una conferenza specializzata della CDPE



SCHWEIZERISCHER ARBEITGEBERVERBAND
UNION PATRONALE SUISSE
UNIONE SVIZZERA DEGLI IMPRENDITORI

sgv  usam



Schweizerischer Gewerkschaftsbund
Union syndicale suisse
Unione sindacale svizzera



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Departement für
Wirtschaft, Bildung und Forschung WBF
Staatssekretariat für Bildung,
Forschung und Innovation SBF

Travail.Suisse

Covid-19/3 – Infurmaziuns dals 25 da mars 2020

Nov: Pagina d'internet

La situaziun cun il coronavirus ha grondas consequenzas per la furmaziun professiunala e chaschuna en spezial bleras dumondas d'execuziun. Sut la direcziun dal gremi directiv «furmaziun professiunala 2030» èn ils partenaris da collavuraziun da la furmaziun professiunala sa cunvegnids ad in proceder cuminaivel naziunal cun focus principal sin la furmaziun fundamentala professiunala.

Il gremi directiv infurmescha cuntinuadamain las acturas ed ils acturs da la furmaziun professiunala davart conclus e davart mesiras cuminaivlas naziunalas. Tut las infurmaziuns chattais Vus sin la nova pagina d'internet.

[Ulteriuras infurmaziuns èn disponiblas sin berufsbildung2030.ch](https://berufsbildung2030.ch)

Etabli organisaziun da project – las lavurs avanza

Sut la direcziun dal gremi directiv «furmaziun professiunala 2030» han ils partenaris da collavuraziun installà in'organisaziun da project e convocà gruppas da lavur che s'occupan en spezial da las sfidas concretas da la furmaziun fundamentala professiunala. Las mesiras vegnan pia realisadas sin basa da cunvegnas naziunalas.

[berufsbildung2030.ch: organisaziun da project](https://berufsbildung2030.ch)

Procedura da qualificaziun da la furmaziun fundamentala professiunala – ina soluziun cuminaivla vegn elavurada

Il nov coronavirus ha er consequenzas per la procedura da qualificaziun da la furmaziun fundamentala professiunala («examens finals d'emprendissadi»). Las emprendistas ed ils emprendists duain pudair terminar lur emprendissadi – malgrà il coronavirus – sco ils onns precedents cun in attestat federal da qualificaziun resp. cun in attest federal da furmaziun professiunala. Quai vala er per la maturitad professiunala. Las lavurs per ina procedura adattada a las circumstanzas actualas e coordinada sin plaun naziunal progredeschon cun tutta forza. Ils 19 da mars 2020 èn ils partenaris da collavuraziun da la furmaziun professiunala sa cunvegnids ad in proceder cuminaivel.

[berufsbildung2030.ch: infurmaziun](https://berufsbildung2030.ch)

Furmaziun professiunala superiura – il SEFRI ha la direcziun

Examens professiunals federals ed examens professiunals federals superiurs: Il SEFRI stat a disposiziun a las organisaziuns dals examens per tut las dumondas davart las consequenzas da la crisa da corona per la planisaziun e per la realisaziun dals examens federals.

Scolas spezialisadas superiuras: La Confederaziun è responsabla per la reconuschientscha da scolaziuns a las scolas spezialisadas superiuras sco er per l'approvaziun dals plans d'instrucziun generals. Sche Vus avais dumondas areguard l'admissibilitad d'adattaziuns da la scolaziun resp. da divergenzas da l'Ordinaziun dal DEFR davart las prescripziuns minimalas per la reconuschientscha da furmaziuns e da studis supplementars da diplom da las scolas spezialisadas superiuras (OPM-SSS) e dal plan d'instrucziun general respectiv è competent il SEFRI. Quel fa en cas da basegn er las coordinaziuns cun las ulteriuras acturas e cun ils ulteriuras acturs (organisaziuns dal mund da lavur [OdML], chantuns).

[Ulteriuras infurmaziuns chattais Vus sin la pagina d'internet dal SEFRI](#)

Contacts

[Infurmaziuns dals partenaris da collavuraziun davart corona](#)

Posts da contact ed ulteriuras infurmaziuns

- Per ils manaschis d'empredissadi, per ils centers Ci e per las scolas professiunalas spezialisadas è il post da [contact anc adina l'uffizi chantunal per la furmaziun professiunala](#).
- Per purtaders naziunals da la furmaziun fundamentala professiunala e da la furmaziun professiunala superiura è competent il [SEFRI](#). Giavischs speziels pon er vegnir inoltrads a las federaziuns da tetg naziunals.
- Las emprendistas ed ils emprendists sa drizzan a lur manaschi d'empredissadi, a lur scola u a lur uffizi chantunal per la furmaziun professiunala.

Gremi directiv e gruppas da lavur

Las acturas ed ils acturs da la furmaziun professiunala vegnan supplitgads da sa drizzar mintgamai a las represchentantas ed als represchentants da lur organisaziun resp. da la represchentanza chantunala.

Adressatas ed adressats

- chantuns (uffizis per la furmaziun professiunala)
- scolas professiunalas spezialisadas e lavuratori d'empredissadi (via chantuns)
- maisa radunda da las scolas professiunalas (via CSFP)
- manaschis d'empredissadi (via chantuns)
- centers da curs intermanaschials (Ci) (via chantuns)
- purtaders da la furmaziun fundamentala professiunala e da la furmaziun professiunala superiura (via SEFRI e federaziuns da tetg)
- scolas spezialisadas superiuras (via SEFRI e Conferenza SSS)